

Broj: 03-02-1035/2024
Sarajevo, 18.07.2024. godine

Bosna i Hercegovine
Federacija Bosne i Hercegovine
**PARLAMENT FEDERACIJE
SARAJEVO**

**PARLAMENT FEDERACIJE
BOSNE I HERCEGOVINE**

Primljeno: 18-07-2024			
Org. jed.	Broj	Priloga	Vrijednost
01	- 02 -	1198	124

- Predstavnički dom -
gosp. Dragan Mioković, predsjedavajući ✓

PREDMET: Veza Vaš akt broj: 01-02-1198/24 od 29.05.2024. godine

Poštovani,

U skladu sa članom IV.B.3.7.c) (III) Ustava Federacije Bosne i Hercegovine, a u vezi sa odredbama čl. 165. i 172. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH”, br. 69/07, 2/08, 26/20 i 13/24), u prilogu Vam dostavljam **MIŠLJENJE O PRIJEDLOGU ZAKONA O IZMJENAMA I DOPUNAMA ZAKONA O PRAVIMA DEMOBILIZIRANIH BRANILACA I ČLANOVA NJIHOVIH PORODICA**, kojeg su po skraćenom postupku predložili Kenela Zuko i Mahir Mešalić, poslanici u Predstavničkom domu Parlamenta Federacije BiH i Mirnes Bašić, Fahrudin Čolaković i Amir Orlović, delegati u Domu naroda Parlamenta Federacije BiH, a koje je Vlada Federacije Bosne i Hercegovine utvrdila na 38. sjednici, održanoj 18.07.2024. godine.

Mišljenje se dostavlja na službenim jezicima i pismima Federacije Bosne i Hercegovine.

S poštovanjem,



Prilog: kao u tekstu na bosanskom jeziku

Co: Federalno ministarstvo za pitanja boraca i invalida
odbrambeno-oslobodilačkog rata
gosp. Nedžad Lokmić, ministar

Na osnovu člana 51. Poslovnika o radu Vlade Federacije Bosne i Hercegovine - Prečišćeni tekst - („Službene novine Federacije BiH“, br. 6/10, 37/10, 62/10, 39/20 i 67/21), a u vezi sa čl. 165. i 172. Poslovnika Predstavničkog doma Parlamenta Federacije BiH („Službene novine Federacije BiH“, br. 69/07, 2/08, 26/20 i 13/24), nakon razmatranja Prijedloga zakona o izmjenama i dopunama Zakona o pravima demobiliziranih branilaca i članova njihovih porodica, koji su po skraćenom postupku, predložili Kenela Zuko i Mahir Mešalić, poslanici u Predstavničkom domu Parlamenta Federacije BiH i Mirnes Bašić, Fahrudin Čolaković i Amir Orlović, delegati u Domu naroda Parlamenta Federacije BiH, Vlada Federacije Bosne i Hercegovine je na 38. sjednici održanoj 18.07.2024. godine, utvrdila

MIŠLJENJE

Ne prihvata se prijedlog Mirnesa Bašića, Fahrudina Čolakovića i Amira Orlovića, delegata u Domu naroda Parlamenta Federacije BiH i Kenele Zuko i Mahira Mešalića, poslanika u Predstavničkom domu Parlamenta Federacije BiH za izmjene i dopune Zakona o pravima demobiliziranih branilaca i članova njihovih porodica („Službene novine Federacije BiH“, br. 54/19, 29/22 i 81/23), jer nije u skladu sa članom 8. Zakona o budžetima u Federaciji Bosne i Hercegovine i Zaključkom Vlade Federacije Bosne i Hercegovine, V. broj: 1919/2021 od 23.12.2021. godine.

Obrazloženje

Predlagači Zakona o izmjenama i dopunama Zakona o pravima demobiliziranih branilaca i članova njihovih porodica podnijeli su predmetni prijedlog, ali nisu postupili u skladu sa članom 8. Zakona o budžetima u Federaciji Bosne i Hercegovine i Zaključkom Vlade Federacije Bosne i Hercegovine, V. broj: 1919/2021 od 23.12.2021. godine, jer nisu dostavili izjavu o fiskalnoj procjeni posljedica na budžet. Odredbom člana 8. Zakona o budžetima u Federaciji Bosne i Hercegovine („Službene novine Federacije BiH“, br. 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), propisano je da prijedlozi zakona i drugih propisa i akata planiranja moraju sadržavati fiskalnu procjenu posljedica na budžet iz koje se mora vidjeti povećavaju li se ili smanjuju prihodi ili rashodi budžeta.

V. broj: 1079 /2024
18.07.2024. godine
Sarajevo

